

85C-1/0024

OFFICIUM  
RECITANDUM IN NOCTE  
NATIVITATIS  
DOMINI.



ILLERDÆ:  
EX OFIC. ROSÆ ESCUDÉR VIDUÆ,  
EJUSQUE FILIÆ.  
ANNO MDCCXCIX.

Reimprimatur : Datt. in Civitat.  
Ilerdæ die 8. Aprilis ann. 1799.

LIC. SAENZ, VIC. GEN. EL. OFF.

Lérida 2o. de Abril de 1799.  
Puede reimprimirse.



HEREDIA,

OFFICIUM  
IN NOCTE  
NATIVITATIS DOMINI.

AD MATUTINUM.

Pater noster, Ave Maria, et Credo.

Ÿ. DOMINE labia mea aperies.

R. Et os meum annuntiabit laudem  
tuam.

Ÿ. Deus in adjutorium meum in-  
tende.

R. Domine ad adjuvandum me fes-  
tina.

Glória Patri, &c. Allelúja.

Christus natus est nobis : Venite  
adoremus. *Et repétitur,* Christus  
natus est nobis : \* Venite adoremus.

<sup>2</sup>  
VENITE exultemus Domino, jubilemus Deo salutari nostro: præocupemus faciem ejus in confessione, et in psalmis jubilemus ei.

PSALM. 94.

Christus natus est nobis: \* Venite adoremus.

Quoniam Deus magnus Dominus, et Rex magnus super omnes Deos: quoniam non repellet Dominus plebem suam, quia in manu ejus sunt omnes fines terræ, et altitudines montium ipse conspicit. Venite adoremus.

Quoniam ipsius est mare, et ipse fecit illud, et aridam fundaverunt manus ejus: venite adoremus, et procidamus ante Deum: ploremus coram Domino, qui fecit nos, quia ipse est Dominus Deus nos-

ter:

<sup>3</sup>  
ter: nos autem populus ejus, et oves pascuæ ejus Christus natus est nobis: \* Venite adoremus.

Hodie si vocem ejus audieritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt, et viderunt opera mea. Venite adoremus.

Quadraginta annis proximus fui generationi huic, et dixi: Sempèr hi errant corde: ipsi verò non cognoverunt vias meas, quibus juravi in ira mea, si introibunt in requiem meam. Christus natus est nobis: \* Venite adoremus.

Gloria Patri, et Filio, et Spiritui Sancto: Sicut erat in principio, et nunc, et sempèr, et in sæcula sæ-

cii-

culorum, Amen. Venite adoremus.  
Christus natus est nobis : \* Venite adoremus.

*HYMNUS.*

**J**ESU Redemptor omnium,  
Quem lucis ante originem  
Parem paternæ gloriæ  
Pater supremus edidit.  
Tu lumen, et splendor Patris,  
Tu spes perennis omnium,  
Intende quas fundunt preces  
Tui per orbem servuli.  
Memento, rerum Conditor,  
Nostri quod olim corporis,  
Sacrata ab alvo Virginis  
Nascendo, formam sumpseris.  
Testatur hoc præsens dies  
Currrens per anni circulum,  
Quod solus è sinu Patris  
Mundi salus adveneris.

Hunc

Hunc astra, tellus, æquora,  
Hunc omne, quod cælo subest,  
Salutis auctorem novæ  
Novo salutat cântico.

**E**t nos, beata quos sacri  
Rigavit unda Sanguinis,  
Natalis ob diem tui  
Hymni tributum solvimus.

**J**ESU, tibi sit gloria,  
Qui natus es de Virgine,  
Cum Patre, et almo Spiritu,  
In sempiterna sæcula. Amen.

**IN PRIMO NOCTURNO.**

*Antiphona.* Dominus dixit ad me  
Filius meus es tu, ego hodie genui te.

**Q**UARE fremuerunt Gentes : \* et  
populi meditati sunt inania ?

Astiterunt Reges terræ, et principes

6  
cipes convenerunt in unum\*adversus Dóminum, et adversus Christum ejus.

Dirumpamus víncula eorum: \* et projiciamus à nobis jugum ipsorum.

Qui hábitat in cœlis, irridebit eos: \* et Dóminus subsannabit eos.

Tunc loquetur ad eos in ira sua: \* et in furore suo conturbabit eos.

Ego autem constitutus sum Rex ab eo super Sion montem sanctum ejus: \* prædicans præceptum ejus.

Dóminus dixit ad me: \* Filius meus es tu ego hodie genui te.

Póstula à me, et dabo tibi Gentes hæreditatem tuam: \* et possessionem tuam terminos terræ.

Reges eos in virga fèrrea: \* et tamquam vas figuli confringes eos.

Et

7  
Et nunc Reges intelligite: \* crudimini qui judicatis terram.

Servite Domino in timore: \* et exultate ei cum tremore.

Apprehendite disciplinam: ne quando irascatur Dominus, \* et pereatis de via justa.

Cum exarserit in brevi ira ejus: \* beati omnes, qui confidunt in eo.

Gloria Patri, &c.

*Añã.* Dominus dixit ad me: Filius meus es tu, ego hódie genui te.

*Añã.* Tamquam sponsus Dominus procedens de thalamo suo.

*PSALM. 48.*  
**C**ÆLI enarrant gloriam Dei: \* et ópera mánuum ejus annúnciat firmamentum.

Dies diei eructat verbum: \* et nox nocti indicat scientiam.

Non

8  
Non sunt loquelæ, neque sermones, \* quorum non audiantur voces eorum.

In omnem terram exivit sonus eorum : \* et in fines orbis terræ verba eorum.

In sole posuit tabernaculum suum : \* et ipse tamquam sponsus procedens de thalamo suo.

Exultavit ut gigas ad currendam viam : \* à summo cælo egressio ejus.

Et occursum ejus usque ad summum ejus : \* nec est, qui se abscondat à calore ejus.

Lex Domini immaculata, convertens animas : \* testimonium Domini fidele, sapientiam præstans parvulis.

Justitiæ Domini rectæ, lætificantes corda : \* præceptum Do-  
mini

2  
mini lucidum, illuminans oculos.

Timor Domini sanctus, permanens in sæculum sæculi : \* judicia Domini vera, justificata in semetipsa.

Desiderabilia super aurum, et lapidem pretiosum multum, \* et dulciora super mel, et favum.

Etenim servus tuus custodit ea : \* in custodiendis illis retributio multa.

Delicta quis intelligit? ab occultis meis munda me : \* et ob alienis parce servo tuo.

Si mei non fuerint dominati, tunc immaculatus ero : \* et emunabor à delicto maximo.

Et erunt ut compláceant eloquia oris mei : \* et meditatio cordis mei in conspectu tuo semper.

Dó

60  
Domine adjutor meus : \* et redemptor meus. Gloria Patri, &c.

*Añã.* Tamquam sponsus Dominus procedens de thalamo suo.

*Añã.* Diffusa est gratia in labiis tuis : propterea benedixit te Deus in æternum.

PSALM. 44.

**E**RUCTAVIT COR MEUM VERBUM BONUM : \* dico ego opera mea Regi.

Lingua mea calamus scribæ : \* velociter scribentis.

Spetiosus forma præ filiis hominum, diffusa est gratia in labiis tuis : \* propterea benedixit te Deus in æternum.

Accingere gladio tuo super femur tuum : \* potentissime.

Specie tua et pulchritudine tua : \* intende prospere, procede, et regna.

11  
Propter veritatem, et mansuetudinem, et justitiam : \* et deducet te mirabiliter dextera tua.

Sagittæ tuæ acutæ, populi sub te cadent : \* in corda inimicorum regis.

Sedes tua Deus in sæculum sæculi : \* virga directionis virga regni tui.

Dilexisti justitiam, et odisti iniquitatem : \* propterea unxit te Deus, Deus tuus oleo lætitiæ præ consortibus tuis.

Myrrha, et gutta, et casia à vestimentis tuis, à domibus eburneis : \* ex quibus delectaverunt te filie regum in honore tuo.

Astitit regina à dextris tuis in vestitu deaurato : \* circumdata varietate.

Audi, filiā, et vide, et inclina aurem tuam: \* et obliviscere populum tuum, et domum patris tui.

Et concupiscet Rex decorem tuum: \* quoniam ipse est Dominus Deus tuus, et adorabunt eum.

Et filiæ Tyri in muneribus: \* vultum tuum deprecabuntur, omnes divites plebis.

Omnis gloria ejus filiæ regis ab intus: \* in fimbriis aureis circum amicta varietatibus.

Adducentur regi virgines post eam: \* proximæ ejus afferentur tibi.

Afferentur in lætitia, et exultatione: \* adducentur in templum Regis.

Pro patribus tuis nati sunt tibi filii: \* constitues eos principes super omnem terram.

Mémores erunt nóm̄inis tui: \* in omni generatione, et generationem.

Propterea populi confitebuntur tibi in æternum: \* et in sæculum sæculi. Gloria Patri, &c.

*Añã.* Diffusa est gratia in labiis tuis, propterea benedixit te Deus in æternum.

ꝯ. Tamquam sponsus.

Ꝟ. Dominus procedens de thalamo suo. Pater noster.

*Absolutio.* Exaudi Dómine Jesu Christe preces servorum tuorum, et miserere nobis, qui cum Patre, et Spíritu Sancto vivis, et regnas in sæcula sæculorum. Ꝟ. Amen.

ꝯ. Jube domne benedicere.

Ꝟ. *Benedictio.* Benedictione perpétua benedicat nos Pater æternus.

Ꝟ. Amen.



LECTIO I. ISAIAE. CAP. 9.

**P**RIMO tempore alleviata est terra Zábulon, et terra Néphthali, et novissimo aggravata est via maris trans Jordanem Galilææ Gentium. Populus qui ambulabat in tenebris vidit lucem magnam, habitantibus in regione umbræ mortis, lux orta est eis. Multiplicasti Gentem, et non magnificasti lætitiã. Lætãbuntur coram te, sicut qui lætantur in messe, sicut exultant victores capta præda, quando dividunt spolia. Jugum óneris ejus, et virgam húmeri ejus, et sceptrum exactoris ejus superasti sicut in die Mádian. Quia omnis violenta prædatio cum tumultu, et vestimentum mistum sãguine, erit in com-

bus.

bustionem, et cibus ignis. Párvulus enim natus est nobis, et filius datus est nobis, et factus est principatus super húmerum ejus; et vocábitur nomen ejus, Admirábilis, Consiliarius, Deus, Fortis, Pater futuri sæculi, Princeps pacis. Tu autem Domine miserere nobis.

R. Deo gratias.

R. Hodie nobis cœlórum Rex de Virgine nasci dignatus est, ut hóminem pèrditum ad cœlestia regna revocaret: \*Gaudet exércitus Angelorum, quia salus æterna humano géneri apparuit.

V. Gloria in excelsis Deo, et in terra pax homínibus bonæ voluntatis. Gaudet exércitus Angelorum; quia salus æterna humano géneri apparuit. Gloria Patri, &c.

B

Et

Et repétitur *R.* Hodie nobis cœlo-  
rum. *Usque ad V.* Gloria in excelsis.

*Benedictio.* Unigenitus Dei filius  
nos benedícere, et adjuvare digne-  
tur. *R.* Amen.

LECTIO II. ISAIE. CAP. 40.

**C**ONSOLÁMINI, consolámini popule  
meus, dicit Deus vester: Loquimi-  
ni ad cor Jerúsalem, et advocate  
eam: quoniam completa est malitiã  
ejus, dimissa est iniquitas illius,  
suscepit de manu Domini duplicia  
pro omnibus peccatis suis. Vox cla-  
mantis in deserto: Parate viam Do-  
mini, rectas fácite in solitúdine sé-  
mitas Dei nostri. Omnis vallis exal-  
tábitur, et omnis mons et collis hu-  
miliábitur; et erunt prava in direc-  
ta, et áspera in vias planas. Et re-

velábitur gloria Domini, et vide-  
bit omnis caro páritèr quod os Do-  
mini locútum est. Vox dicentis  
Clama. Et dixi: Quid clamabo? Om-  
nis caro fœnum, et omnis gloria  
ejus quasi flos agri. Exiccatum est  
fœnum, et cécidit flos, quia spiri-  
tus Domini sufflabit in eo. Vere fœ-  
num est populus; exiccatum est  
fœnum, et cécidit flos. Verbum au-  
tem Domini nostri manet in æter-  
num. Tu autem Domine miserere  
nobis. *R.* Deo gratias.

*R.* Hodie nobis de cœlo pax ve-  
ra descendit: \* Hodie per totum  
mundum melliflui facti sunt cœli.

*V.* Hodie illuxit nobis dies re-  
demptionis novæ, reparationis an-  
tiquæ, felicitatis æternæ.

*R.* Hodie per totum mundum

melliflui facti sunt cœli.

*Benedictio.* Spiritus sancti grátia illuminet sensus, et corda nostra.

R. Amen.

LECTIO III. ISAIÆ. CAP. 52.

**C**ONSURGE, consurge, induere fortitudine tua Sion, induere vestimentis gloriæ tuæ Jerúsalem civitas sancti: quia non adjiciet ultra ut pertranseat per te incircumcisus et immundus. Excútere de púlvere; consurge, sede Jerúsalem; solve víncula colli tui captiva filia Sion. Quia hæc dicit Dominus: Gratis venúdati estis, et sine argento redimémini. Quia hæc dicit Dominus Deus: In Ægyptum descendit populus meus in principio, ut colonus esset ibi: et Assur

abs-

absque ulla causa calumniatus est eum. Et nunc quid mihi est híc, dicit Dominus, quoniam ablati sunt populus meus gratis? Dominatores ejus iniquè agunt, dicit Dominus: et júgiter tota die nomen meum blasphematur. Proptèr hoc sciet populus meus nomen meum in die illa: quia ego ipse, qui loquebar, ecce adsum. Tu autem Domine, &c. R. Deo gratias.

R. Quem vidistis pastores? dicite, annuntiate nobis; in terris quis apparuit? \* Natum vídimus, et choros Angelorum collaudantes Dominum.

v. Dicite quidnam vidistis, et annuntiate Christi nativitatem.

R. Natum vídimus, et choros Angelorum collaudantes Dominum.

Glo-

ŷ. Glória Patri, &c.

R. Natum vídimus, &c.

## IN SECUNDO NOCTURNO.

*Añã.* Suscépimus, Deus, misericordiam tuam in medio templi tui.

**M**AGNUS Dominus, et laudabilis nimis: in civitate Dei nostri, in monte sancto ejus.

*PSALM. 47.*

Fundatur exultatione universæ terræ mons Sion, \* látera Aquilonis, civitas Regis magni.

Deus in dómibus ejus cognoscetur, \* cum suscipiet eam.

Quoniam ecce reges terræ congregati sunt: \* convenerunt in unum.

Ipsi videntes sic admirati sunt, conturbati sunt, commoti sunt: \*

tre-

tremor apprehendit eos.

Ibi dolores ut parturientis, \* in spiritu vehementi cónteres naves Tharsis.

Sicut audívimus, sic vídimus in civitate Domini virtutum, in civitate Dei nostri: \* Deus fundavit eam in æternum.

Suscépimus Deus misericordiam tuam? \* in medio templi tui.

Secundum nomen tuum Deus, sic et laus tua in fines terræ: \* justitia plena est dextera tua.

Lætetur mons Sion, et exultent filiæ Judæ: \* propter judicia tua Domine.

Circúmdate Sion, et complectimini eam: \* narrate in túrribus ejus.

Pónite corda vestra in virtute ejus: \* et distribuíte domos ejus, ut

enar

enarretis in progenie áltera.

Quoniam hic est Deus, Deus  
noster in æternum, et in sæculum  
sæculi : \* ipse reget nos in sæcula.

Gloria Patri, &c.

*Añã.* Suscépimus Deus miseri-  
cordiam tuam in medio templi tui.

*Añã.* Orietur in diebus Domini  
abundantia pacis, et dominábitur.

*PSALM. 74.*

**D**EUS iudicium tuum regi da : \*  
et justitiam tuam filio regis.

Judicare populum tuum in jus-  
titia : et páuperes tuos in iudicio.

Suscipiant montes pacem popu-  
lo : \* et colles justitiam.

Judicabit páuperes populi, et  
salvos faciet filios páuperum : \* et  
humiliabit calumniatorem.

Et permanebit cum sole, et an-

te lunam : \* in generatione et  
generaciónem.

Descendet sicut pluvia in vel-  
lus : \* et sicut stillicidia stillan-  
tia super terram.

Orietur in diebus ejus justitia  
et abundantia pacis : \* donèc au-  
feratur luna.

Et dominábitur à mari usque ad  
mare : \* et à flúmine usque ad  
términos orbis terrarum.

Coràm illo prócident Æthiopes :  
\* et inimici ejus terram lingent.

Reges Tharsis, et Insulæ mú-  
nera offerent : \* Reges Arabum,  
et Saba dona adducent.

Et adorabunt eum omnes reges  
terræ : \* omnes Gentes sérvient ei.

Quia liberavit páuperem à po-  
tente : \* et páuperem, cui non

erat adjutor.

Parcet páuperi , et ínopi : \* et animas páuperum salvas faciet.

Ex usuris et iniquitate rédimet ánimas eorum : \* et honorábile nomen eorum coràm illo.

Et vivet , et dábitur ei de auro Arabiae , et adorabunt de ipso semper : \* tota die benedicent ei.

Et erit firmamentum in terra in summis móntium , superextolletur super Líbanum fructus ejus : \* et florebunt de civitate sicut fœnum terræ.

Sit nomen ejus benedictum in sæcula : \* ante solem pérmanet nomen ejus.

Et benedicentur in ipso omnes tribus terræ : \* omnes Gentes magnificabunt eum.

Benedictus Dominus Deus Israël : \* qui facit mirabilia solus.

Et benedictum nomen majestatis ejus in æternum : \* et replébitur majestate ejus omnis terra; fiat, fiat.

Gloria Patri. &c.

*Añã.* Orietur in diebus Domini abundantia pacis , et dominábitur.

*Añã.* Véritas de terra orta est , et justitia de cœlo prospexit.

PSALM. 84.

**B**ENEDIXISTI , Domine , terram tuam : \* avertisti captivitatem Jacob , Remisisti iniquitatem plebistuae : operuisti omnia peccata eorum.

Mitigasti omnem iram tuam : \* avertisti ab ira indignationis tuæ.

Converte nos Deus salutaris noster : \* et averte iram tuam à nobis.

Numquid in æternum irasceris

nobis : \* aut extendes iram tuam  
à generatione in generationem ?

Deus tu conversus vivificabis  
nos : \* et plebs tua lætabitur in te.

Ostende nobis Domine miseri-  
cordiam tuam : \* et salutare tuum  
da nobis.

Audiam quid loquatur in me  
Dominus Deus : \* quoniam lo-  
quetur pacem in plebem suam.

Et super sanctos suos : \* et in  
eos, qui convertuntur ad cor.

Verumtamē prope timentes eum  
salutare ipsius : \* ut inhābitet glo-  
ria in terra nostra.

Misericordia, et vēritas obviave-  
runt sibi : \* justitia et pax oscula-  
tæ sunt.

Vēritas de terra orta est : \* et  
justitia de cœlo prospexit.

Ete-

Etenim Dominus dabit benig-  
nitatem : \* et terra nostra dabit  
fructum suum.

Justitia ante eum ambulabit : \*  
et ponet in via gressus suos.

Gloria Patri, &c.

*Añã.* Vēritas de terra orta est,  
et justitia de cœlo prospexit.

*v.* Speciosus forma præ filiis hó-  
minum.

*R.* Diffusa est gratia in labiis tuis,  
Pater noster.

*Absolutio.* Ipsius pietas, et mise-  
ricordia nos adjuvet, qui cum Pa-  
tre, et Spiritu sancto vivit, et reg-  
nat in sæcula sæculorum *R.* Amen.

*v.* Jube domne benedicere.

*Benedictio.* Deus Pater omnípo-  
tens sit nobis propitius, et clemens.

*R.* Amen.

SER-

## SERMO S. LEONIS PAPÆ.

## SERMO I. DE NATIV. DOMINI. LEC. IV

**S**ALVATOR noster, dilectissimi, hodie natus est: gaudeamus. Neque enim fas est locum esse tristitiæ ubi natalis est vitæ, quæ consumpto mortalitatis timore, nobis ingerit de promissa æternitate lætitiā. Nemo ab hujus alacritatis participatione secernitur. Una cunctis lætitiæ communis est ratio: quia Dominus noster peccati, mortisque destructor, sicut nullum à reatu liberum reperit, ita liberandis omnibus venit. Exultet sanctus, quia propinquat ad palmam: gáudeat peccator quia invitatur ad veniam: animetur Gentilis, quia vocatur ad vitam.

Dei

Dei namque Filius secundum plenitudinem tēporis, quam divini consilii inscrutabilis altitudo dispósuit, reconciliandam auctori suo naturam generis assumpsit humani, ut inventor mortis diabolus, per ipsam, quam vicerat, vinceretur. Tu autem Domine miserere nobis. *R.* Deo gratias.

*R.* O magnum mysterium, et admirabile sacramentum, ut animalia viderent Dominum natum, jacentem in præsepio: \* Beata Virgo, cujus viscera meruerunt portare Dominum Christum.

*V.* Ave Maria gratia plena: Dominus tecum.

*R.* Beata Virgo, cujus viscera meruerunt portare Dominum Christum.

*V.* Ju-



Ÿ. Jube domne benedicere.  
*Benedictio.* Christus perpetuæ  
 det nobis gaudia vitæ R. Amen.

**I**n quo conflictu pro nobis inito  
 magno et mirabili æquitatis jure  
 certatum est, dum omnipotens  
 Dominus cum sævissimo hoste non  
 in sua majestate, sed in nostra con-  
 gréditur humilitate: objiciens ei  
 eandem formam, eandemque na-  
 turam, mortalitatis quidem nostræ  
 participem, sed peccati totius ex-  
 pertem. Alienum quippé ab hac  
 nativitate est, quod de ómnibus  
 légitur: Nemo mundus à sorde, nec  
 infans, cujus est unius diei vita  
 super terram. Nihil ergo in istam  
 singularem nativitatem de carnis  
 concupiscentia transibit, nihil de

pec-

peccati lege manavit. Virgo régia  
 Davídicæ stirpis eligitur, quæ sa-  
 cro gravidanda foetu Divinam hu-  
 manamque prolem prius concípe-  
 ret mente, quàm corpore. Et ne  
 superni ignara concílii ad inusi-  
 tatos pavéret affatus, quod in ea  
 operandum erat à Spíritu Sancto,  
 collóquio discit Angélico: nec dam-  
 num credit pudoris, Dei Génit-  
 rix mòx futura. Tu autém Dómi-  
 ne, miserere nobis. R. Deo gratias.

R. Beáta Dei Génitrix Maria,  
 cujus víscera intacta pèrmanent:  
 \* Hòdiè genuit Salvatorem sæculi.

Ÿ. Beáta quæ crédidit, quóniam  
 pèrfecta sunt ómnia, quæ dicta  
 sunt ei à Dómino.

R. Hòdiè genuit Salvatorem  
 sæculi.

C

Ÿ.

ŷ. Jube domne benedícere.

*Benedictio.* Ignem sui amoris accendat Deus in cordibus nostris.

℞. Amen.

LECTIO. VI.

**A**GAMUS ergo, dilectissimi, gratias Deo Patri per Filium ejus in Spiritu Sancto, qui propter multam charitatem suam, qua dilexit nos, misertus est nostri: et cum essemus mortui peccatis, convificavit nos Christo, ut essemus in ipso nova creatura, novumque figmentum. Deponamus ergo veterem hominem cum actibus suis, et adepti participationem generationis Christi, carnis renuntiemus operibus. Agnosce, o Christiane, dignitatem tuam: et divinæ consors factus naturæ, noli in vete-

rem vilitatem degeneri conversatione redire. Memento, cujus capitis, et cujus corporis sis membrum. Reminiscere, quia erutus de potestate tenebrarum, translatus es in Dei lumen, et regnum. Tu autem Domine miserere nobis.

℞. Deo gratias.

℞. Sancta, et immaculata virginitas, quibus le laudibus offeram nescio: \* Quia quem cœli capere non poterant, tuo gremio contulisti.

ŷ. Benedicta tu in mulieribus, et benedictus fructus ventris tui.

℞. Quia quem cœli capere non poterant tuo gremio contulisti.

ŷ. Gloria Patri, &c.

℞. Quia quem cœli capere non poterant, tuo gremio contulisti.

## IN TERTIO NOCTURNO.

*Añā.* Ipse invocabit me, Allelúja: Pater meus es tu, Allelúja.

**M**ISERICÓRDIAS Dómini: \* in ætERNUM cantabo.

In generationem & generationem: \* annuntiabo veritatem tuam in ore meo.

Quóniam dixisti: In ætERNUM misericórdia ædificábitur in cœlis: \* preparábitur véritas tua in eis.

Dispósui testamentum electis meis: juravi David servo meo: \* usquē in ætERNUM præparabo semen tuum.

Et ædificabo in generationem, et generatióhem: \* sedem tuam.

Confitebuntur cœli mirabilia

tua Dómine: \* etenim veritatem tuam in Ecclésia Sanctorum.

Quóniam quis in núbibus æquábitur Dómino: similis erit Deo in filiis Dei.

Deus, qui glorificatur in consilio Sanctorum: \* magnus et terribilis super omnes, qui in circúitu ejus sunt.

Dómine Deus virtutum quis similis tibi? \* Potens es Dómine, et véritas tua in circúitu tuo.

Tu dominaris potestati maris: \* motum autem fluctuum ejus tu mítigas.

Tu humiliasti sicút vulneratum, superbum: \* in bráchio virtutis tuæ dispersisti inimicos tuos.

Tui sunt cœli, et tuæ est terra, orbem terræ, et plenitudinem ejus

tu fundasti: \* Aquilonem, et mare tu creasti.

Thabor, et Hermon in nómine tuo exultabunt: tuum bráchium cum poténtia.

Firmetur manus tua, et exaltetur dextera tua: \* justitia et iudicium præparatio sedis tuæ.

Misericórdia, et véritas precedent faciem tuam: \* beatus populus, qui scit jubilationem.

Dómine, in lúmine vultus tui ambulabunt, et in nómine tuo exultabunt tota die: \* et in justítia tua exaltabuntur.

Quóniam glória virtutis eorum tu es: \* et in beneplácito tuo exaltábitur cornu nostrum.

Quía Dómini est assumptio nostra: \* et Sancti Israel Regis nostri.

Tunc

Tunc locutus es in visioné sanctis tuis, et dixisti: \* Posui adjutórium in potente et exáltavi electum de plebe mea.

Inveni David servum meum: \* óleo sancto meo unxi eum.

Manus enim mea auxiliábitur ei: \* et bráchium meum confortabit eum.

Nihil proficiet inimicus in eo: \* et filius iniquitatis non apponet nocere ei.

Et cóncidam à fácie ipsius inimicos ejus: \* et odientes eum in fugam convertam.

Et véritas mea, et misericórdia mea cum ipso: \* et in nómine meo exaltábitur cornu ejus.

Et ponam in mari manum ejus: \* et in fluminibus dexteram ejus.

Ip-

Ipsè invocabit me : Pater meus es tu : \* Deus meus , et susceptor salutis meæ.

Et ego primogénitum ponam illum : \* excelsum præ régibus terræ.

In æternum servabo illi misericórdiam meam : \* et testamentum meum fidele ipsi.

Et ponam in sæculum sæculi semen ejus : \* et thronum ejus sicut dies cæli.

Si autém dereliquerint filii ejus legem meam : \* et in judiciis meis non ambuláverint.

Si justitias meas profanáverint : \* et mandata mea non custodierint.

Visitabo in virga iniquitates eorum : \* et in verbéribus peccata eorum.

Misericórdiam autém meam non

dispergam ab eo : nequè nocebo in veritate mea.

Nequè profanabo testamentum meum : \* et quæ procedunt de lábiis meis non fáciam írrita.

Semèl juravi in sancto meo , si David méntiar : \* semen ejus in æternum manebit.

Et thronus ejus sicut sol in conspectu meo : \* et sicut luna perfecta in æternum , et testis in cælo fidelis.

Tu veró repulisti , et despexisti : \* distulisti Christum tuum.

Evertisti testamentum servi tui : \* profanasti in terra sanctuárium ejus.

Destruxisti omnes sepes ejus : \* posuisti firmamentum ejus formidinem.

Diripuerunt eum omnes trans-  
euntes viam : factus est oppro-  
brium vicinis suis.

Exaltasti dexteram deprimen-  
tium eum : \* lætificasti omnes ini-  
micos ejus.

Avertisti adiutorium gladii ejus :  
\* et non es auxiliatus ei in bello.

Destruxisti eum ab emundatio-  
ne : \* et sedem ejus in terram  
collisisti.

Minorasti dies temporis ejus : \*  
perfudisti eum confusione.

Usquequò , Dómine , avertis in  
finem : \* exardescet sicut ignis  
ira tua ?

Memorare quæ mea substántia :  
\* numquid enim vanè constituis-  
ti omnes filios hóminum.

Quis est homo , qui non vivet,

et non videbit mortem : \* eruet  
ánimam suam de manu inferi ?

Ubi sunt misericórdiæ tuæ an-  
tiquæ , Dómine : \* Sicut jurasti  
David in veritate tua ?

Memor esto , Dómine , oppro-  
brii servorum tuorum : \* ( quod  
contínui in sinu meo ) multarum  
géntium.

Quòd exprobraverunt inimici tui  
Dómine : \* quòd exprobraverunt  
commutationem Christi tui.

Benedictus Dòminus in æter-  
num : \* fiat , fiat.

Glória Patri , &c.

*Aña.* Ipse invocabit me , alluja,  
Pater meus es tu , alleluja.

*Aña.* Lætentur cœli , et exul-  
tet terra ante faciem Dómini , quò-  
niàm venit.

**C**ANTATE Dómino cánticum novũ:  
\* cantate Dómino omnis terra.

Cantate Dómino, & benedicite  
nómini ejus: \* annuntiate de die  
in diem salutare ejus.

Annuntiate inter gentes gló-  
riam ejus: \* in ómnibus pópulis  
mirabilia ejus.

Quóniam magnus Dóminus, et  
laudábilis nimis: \* terríbilis est  
super omnes deos.

Quóniam omnes dii géntium  
dæmónia? \* Dóminus autem cœ-  
los fecit.

Confessio; pulchritudo in cons-  
pectu ejus: \* Sanctimónia et mag-  
nificéntia in sanctificatione ejus.

Afferte Dómino pátriæ gén-  
tium, afferte Dómino glóriam et

ho-

honorem: \* afferte Dómino gló-  
riam nómini ejus.

Tóllite hóstias, et introite in  
átrio ejus: \* adorete Dóminum in  
átrio sancto ejus.

Commoveatur à fácie ejus uni-  
versa terra: \* dícite in géntibus,  
quía Dóminus regnavit.

Etením correxit orbem terræ,  
qui nòn commovébitur: \* judica-  
bit pópulos in æquitate.

Lætentur cœli, et exultet terra,  
commoveatur mare, et plenitudo  
ejus: \* gaudebunt campi, et óm-  
nia, in eis sunt.

Tunc exultabunt ómnia ligna  
silvarum à fácie Dómini, quía ve-  
nit: \* quóniam venit judicare terram.

Judicabit orbem terræ in æquita-  
te: \* et pópulos in veritate sua.

Glo-

Gloria Patri, &c.

*Añã.* Lætentur cœli, et exultet terra ante faciẽm Dómini, quóniam venit.

*Añã.* Notum fecit Dóminus, alleluja; salutare suum, alleluja.

**C**ANTATE Dómino cánticum novum: \* quíã mirabilia fecit.

Salvabit sibi dextera ejus: \* & bráchium sanctum ejus.

Notum fecit Dóminus salutare suum: \* in conspectu géntium revelavit justitiam suam.

Recordatus est misericórdiæ suæ: \* et veritatis suæ dómui Israel.

Viderunt omnes términi terræ: \* salutare Dei nostri.

Jubilare Deo omnis terra: \*

can.

cantate, et exultate, et psállite.

Psállite Dómino in cithara, in cithara et voce psalmi: in tubis ductílibus, et voce tubæ córneæ.

Jubilare in conspectu Regis Dómini: \* moveatur mare, et plenitudo ejus, orbis terrarum, et qui hábitant in eo.

Flúmina plaudent manu, simúl montes exultabunt à conspectu Dómini: \* quóniam venit judicare terram.

Judicábit orbem terrarum in justítia: \* et pópulos æquitate. Gloria Patri, &c.

*Añã.* Notum fecit Dóminus, alleluja. Salutare suum, alleluja.

V. Ipse invocabit me, alleluja.

R. Pater meus es tu, alleluja.

Pater noster, &c.

Ab.



*Absolutio.* A vinculis peccatorum nostrorum absolvat nos omnipotens, et misericors Dóminus.

R. Amen.

V. Jube domne benedícere.

*Benedictio.* Evangélica léctio sit nobis salus, et protéctio. R. Amèn.

LECTIO S. EVANGELII SECUNDUM LUCAM.

LECTIO VII. CAP. 2.

**I**N illo tempore; éxiit edictum à Cæsare Augusto, ut describeretur universus orbis. Et réliqua.

HOMILIA SANCTI GREGÓRII PAPÆ,

**Q**UONIAM, largiente Dómino, Missarum solémnia tère hódie celebraturi sumus, loqui diù de Evangélica léctione nòn pòssumus; sèd nos

ali-

aliquid vél brevitér dicere, Redemptoris nostri Nativitas ipsa compellit. Quid est enim, quòd nascituro Dómino mundus describitur, nisi hoc, quod apertè monstratur, quia ille apparebat in carne, qui electos suos adscríberet in æternitate? Quod contrà de réprobis per Prophetam dicitur: Deleantur de libro vivéntium, et cum justis nòn scribantur. Qui benè etiàm in Bèthlehem nascitur: Bèthlehem quippè domus panis interpretatur. Ipse namqué est qui ait: Ego sum panis vivus, qui de cælo descendi. Locus ergo, in quo Dóminus nascitur, domus panis antèa vocatus est: quia futurum profectò erat, ut ille ibi per materiam carnis appareret, qui elec-

D

to-

forum mentes interna satietate reficeret. Qui non in parentum domo, sed in via nascitur: ut profecto ostenderet, quia per humanitatem suam, quam assumpserat, quasi in alieno nacebatur. Tu autem Domine miserere nobis. R. Deo gratias.

R. Beata viscera Mariæ Virginis, quæ portaverunt æterni Patris Filium; et beata úbera, quæ lactaverunt Christum Dominum: \* Qui hodiè pro salute mundi de Virgine nasci dignatus est.

V. Dies sanctificatus illuxit nobis: Venite Gentes; et adoráte Dominum.

R. Qui hodiè pro salute mundi de Virgine nasci dignatus est.

V. Jube domne benedicere.

Benedictio. Per Evangelica dicta

deleantur nostra delicta. R. Amen.

LECTIO S. EVANGELII SECUNDUM LUCAM.

LECTIO VIII. CAP. 2. b.

**I**N illo tempore: Pastores loquebantur ad invicem: transeamus usque Bethlehém, et videamus hoc verbum, quod factum est, quod Dominus ostendit nobis. Et reliqua.

HOMILIA SANCTI AMBRÓSII EPISCOPI.

LIB. 2. IN C. 2. LUC. CIRRA MED.

**V**IDETE Ecclesiæ surgentis exordium. Christus nascitur, et pastores vigilare coeperunt: qui Gentium greges, pecudum modo antè viventes, in caulam Domini congregarent, nè quos spiritalium bestiarum per offussas noctium tenebras paterentur incursus. Et bene

pastores vigilat, quos bonus pastor informat: Grex igitur populus, nox seculum, pastores sunt sacerdotes. Aut fortasse etiam ille sit pastor, cui dicitur: Esto vigilans, et confirma. Quia non solum Episcopos ad tuendum gregem Dominus ordinavit, sed etiam Angelos destinavit. Tu autem Domine miserere nobis. *R.* Deo gratias.

*R.* Verbum caro factum est, et habitavit in nobis: \* Et vidimus gloriam ejus, gloriam quasi unigeniti a Patre, plenum gratiae et veritatis.

*V.* Omnia per ipsum facta sunt, et sine ipso factum est nihil.

*R.* Et vidimus gloriam ejus, gloriam quasi unigeniti a Patre, plenum gratiae, et veritatis.

*V.* Glo-

*V.* Gloria Patri, &c.

*R.* Et vidimus gloriam ejus, gloriam quasi unigeniti a Patre, plenum gratiae et veritatis.

*V.* Jube domne benedicere.

*Benedictio.* Verba sancti Evangelii doceat nos Christus Filius Dei.

*R.* Amen.

LECTIO SANCTI EVANGELII  
SECUNDUM JOANNEM.

LECTIO IX CAP. 1.

**I**N principio erat Verbum, et Verbum erat apud Deum, et Deus erat Verbum. Et reliqua.

HOMILIA SANCTI AUGUSTINI EPISCOPI.

TR. 1. IN JOANN. CIRCA MED.

**N**E vile aliquid putares, quale consuevisti cogitare, cum verba

huma-

humana soleres audire, áudi quid  
cógites. Deus erat verbum. Exeat  
nunc nescio quis infidelis Arianus,  
et dicat, quia Verbum Dei factum  
est. Quómodo potest fieri, ut Ver-  
bum Dei factum sit; quando Deus  
per Verbum fecit omnia? Si et Ver-  
bum Dei ipsum factum est; per  
quod áliud Verbum factum est?  
Si hoc dícis, quia hoc est ver-  
bum Verbi, per quod factum est  
illud, ipsum dico ego únicum Fi-  
lium Dei. Si autem non dícis ver-  
bum Verbi, concede non factum,  
per quod facta sunt omnia. Non  
enim per se ipsum fieri potuit, per  
quod facta sunt ómnia. Crede er-  
gò Evangelistæ. Tu autem Dó-  
mine miserere nobis.

R. Deo gratias.

*HYM-*

*HYMNUS SS. AMBROSII,  
ET AUGUSTINI.*

**T**E Deum laudamus: te Dómi-  
num confitemur.

Te æternum Patrem omnis ter-  
ra veneratur.

Tibi omnes Angeli, tibi cœli  
et universæ potestates.

Tibi Chérubim, et Séraphim,  
incessábili voce proclamant.

Sanctus, Sanctus, Sanctus Dó-  
minus Deus Sábaoth.

Pleni sunt cæli, et terra, ma-  
jestatis gloriæ tuæ.

Te gloriosus Apostolorum cho-  
rus.

Te Prophetarum laudabilis nú-  
merus.

Te Mártyrum candidatus lau-  
dat exercitus.

Te

Te per orbem terrarum sancta  
confitetur Ecclésia.

Patrem immensæ majestatis.

Venerandum tuum verum, et  
únicum Fílium.

Sanctum quoquè Páraclitum  
Spíritum.

Tu Rex gloriæ Christe.

Tu Patris sempiternus es Fílius.

Tu ad liberandum suscepturus  
hóminem, non horruisti vírginis  
uterum.

Tu devicto mortis acúleo, ape-  
ruísti credéntibus regna cœlorum.

Tu ad dexteram Dei sedes, in  
gloria Patris.

Judex créderis esse venturus.

Te ergò, quæsumus, tuis fá-  
mulis subveni, quos pretioso sán-  
guine redemisti.

Æter-

Æterna fac cum Sanctis tuis  
in gloria numerari.

Salvum fac pópulum tuum Do-  
mine: et benedic hæreditati tuæ.

Et rege eos: et extolle illos us-  
que in æternum.

Persingulos dies, benedicimuste.

Et laudamus nomen tuum in  
sæculum: et in sæculum sæculi.

Dignare Dómine, die isto: si-  
ne peccato nos custodire.

Miserere nostri, Domine: mi-  
serere nostri.

Fiat misericordia tua, Dómine,  
super nos: quemádmódum spera-  
vimus in te.

In te Dómine speravi: non  
confundar in æternum.

¶ Dóminus vobiscum.

¶ Et cum spíritu tuo.

ORE

OREMUS.

**C**ONCEDE quæsumus omnipotens Deus, ut nos Unigéniti tui nova per carnem Nativitas liberet, quos sub peccati jugo vetusta servitus tenet. Per eundem Dominum nostrum Jesum Christum Fílium tuum, Qui tecum vivit, et regnat in unitate Spíritus Sancti Deus Per omnia sæcula sæculorum. R. Amen.

V. Dóminus vobiscum.


R. Et cum spiritu tuo.

V. Benedicamus Dómino.

R. Deo gratias.

*Dicto Benedicamus Dómino celebratur Missa post mediam noctem, ut in Ordinario: quà finita dicuntur Laudes.*

AD



AD LAUDES.

V. **D**EUS in adiutorium meum intende.

R. Dómine ad adjuvandum me festina.

Glória Patri, &c.

*Aña.* Quem vidistis pastores? dícite, annuntiate nobis, in terris quis apparuit? Natum vidimus, et choros Angelorum collaudantes Dóminum, alleluja, alleluja.

*PSALM. 92.*  
**D**ÓMINUS regnavit, decorem indutus est: \* indutus est Dóminus fortitudinem, et precinxit se.

Etenim firmavit orbem terræ: \*  
 qui

qui non commovébitur.

Parata sedes tua ex tunc : \* à  
sæculo tu es.

Elevaverunt flumina , Dómine :  
\* elevaverunt flúmina vocem suam.

Elevaverunt flúmina fluctus  
suos : \* à vóçibus aquarum mul-  
tarum.

Mirabiles elationes maris : \*  
mirabilis in altis Dóminus.

Testimonia tua credíbilis facta  
sunt nimis : \* domum tuam decet  
sanctitudo ; Dómine , in longitú-  
dinem dierum. Glória Patri , &c.

*Aña.* Quem vidistis pastores ?  
dicite , annuntiate nobis , in terris  
quis apparuit ? Natum vidimus , et  
choros Angelorum collaudantes  
Dóminum , alleluja , alleluja.

*Aña* Génuit Puerpera Regem,  
cui

cui nomèn æternum , et gáudia ma-  
tris habens cum virginitatis hono-  
re : nèc primam símitem visa est,  
nèc habere sequentem , alleluja.

PSALM 99.

JUBILATE Deo omnis terra : \* ser-  
vite Dómino in lætítia.

Introite in conspectu ejus : \* in  
exultatione.

Scitote quóniam Dóminus ipse  
est Deus : \* ipse fecit nos , et  
non ipsi nos.

Pópulus ejus , et oves páscuæ  
ejus : \* introite portas ejus in  
confessione , átria ejus in hymnis :  
confitémini illi.

Laudate nomen ejus : quóniam  
suavis est Dóminus , in æternum  
misericórdia ejus : \* et usquè in  
generationem , et generationem

véritas ejus. Gloria Patri, &c.

*Añã.* Génuit Puérpera Regem,  
cui nomen æternum; et gaudia  
matris habens cum virginitatis ho-  
nore: nèc primam similem visa est,  
nèc habere sequentem, alleluja.

*Añã.* Angelus ad pastores ait:  
Annúntio vobis gáudium mag-  
num: quia natus est vobis hódic  
Salvator mundi, alleluja.

*PSALM. 62.*

**D**EUS Deus meus: \* ad te de  
luce vígilo.

Sitivit in te ánima mea: \* quàm  
multiplicítèr tibi caro mea.

In terra deserta, et invia, et  
inaquosa: \* sic in sancto apparui  
tibi, ut viderem virtutem tuam,  
et glóriam tuam.

Quoniam mélior est misericór-  
dia

dia tua supèr vitas: \* lábia mea  
laúdabunt te.

Sic benedicam te in vita mea: \* et  
in nómine tuo levabo manus meas.

Sicùt ádipe, et pinguédine re-  
pleatur ánima mea: \* et lábiis  
exultationis laudabit os meum.

Si memor fui tui supèr stratum  
meum, in matutinis meditabor in  
te: \* quia fuisti adjutor meus.

Et in velamento alarum tuarum  
exultabo, adhæsit ánima mea post  
te: \* me suscepit dèxtera tua.

Ipsi verò in vanum quæsierunt  
ánimam meam, introibunt in in-  
feriora terræ: \* tradentur in ma-  
nus gládii, partes vúlpium erunt.

Rex veró lætábitur in Deo,  
laudabuntur omnes, qui jurant  
in eo: \* quia obstructum est os



61  
loquentium iniqua.

*Hic non dicitur Gloria Patri, &c.*

**D**EUS misereatur nostri, et benedicat nobis: \* illúminet vultum suum supèr nos, et misereatur nostri.

Ut cognoscamus in terra viam tuam, \* in ómnibus géntibus salutare tuum.

Confiteantur tibi pópuli Deus: \* confiteantur tibi populi omnes.

Lætentur; et exultent gentes: \* quóniam júdicas pópulos in æquitate, et gentes in terra dirigis.

Confiteantur tibi pópuli, Deus: confiteantur tibi pópuli omnes: \* terra dedit fructum suum.

Benedicat nos, Deus, Deus noster, benedicat nos Deus: \* et métuant eum omnes fines terræ.

Glor

62  
Gloria Patri, &c.

*Añã.* Angelus ad Pastores ait: Annuntio vobis gaudium magnum: quia natus est vobis hódie Salvator mundi, alleluja,

*Añã.* Facta est cum Angelo multitudo cœlestis exércitus laudántium Deum, et dicéntium Gloria in excelsis Deo, et in terra pax hominibus bonæ voluntatis, alleluja.

*CANT. TRIUM PUEROR. DAN. 3.*  
**B**ENEDICITE ómnia ópera Domini Dómino: \* laudate, et superexaltate eum in sæcula.

Benedicite Angeli Domini Dómino: \* Benedicite cœli Dómino.

Benedicite æquæ omnes, quæ super cœlos sunt Dómino: \* benedicite omnes virtutes Domini

E

Do

Dómino.

Benedicite sol , et luna Dómino :  
\* benedicite stellæ cœli Dómino.

Benedicite omnis imber , et ros  
Dómino : \* benedicite omnes spiri-  
tus Dei Dómino.

Benedicite ignis , et æstus Dó-  
mino : \* benedicite frigus , et  
æstus Dómino.

Benedicite rores , et pruina  
Dómino : \* benedicite gelu , et  
frigus Dómino.

Benedicite glácies , et nives  
Dómino : \* benedicite noctes , et  
dies Dómino.

Benedicite lux , et ténebræ Dó-  
mino : \* benedicite fúlgura , et  
nubes Dómino.

Benedicat terra Dóminum : \* lau-  
det , et superexaltet eum in sæcula.

Be.

Benedicite montes , et colles  
Dómino : \* benedicite universa  
germinántia in terra Dómino.

Benedicite fontes Dómino : \* be-  
nedicite mária et flúmina Dómino.

Benedicite cete , et ómnia , quæ  
moventur in áquis , Dómino : \*  
benedicite omnes vólucres cœli  
Dómino.

Benedicite omnes béstiæ , et  
pécora Dómino : \* benedicite filii  
hóminum Dómino.

Benedicat Israel Dominum : \*  
laudet , et superexaltet eum in sæ-  
cula.

Benedicite sacerdotes Dómini  
Dómino : \* benedicite servi Do-  
mini Dómino.

Benedicite Spíritus , et ánimæ  
justorum Dómino : \* benedicite

Ez

sanc

sancti, et humiles corde Domino.

Benedicite Anania, Azaria, Misael Domino: \* laudate, et superexaltate eum in sæcula.

Benedicamus Patrem, et Filium cum Sancto Spiritu: \* laudemus, et superexaltemus eum in sæcula.

Benedictus es Domine in firmamento cœli: \* et laudabilis, et gloriosus, et superexaltatus in sæcula.

Hic non dicitur Gloria Patri, nequè Amen.

*Aña.* Facta est cum Angelo multitudo cœlestis exercitus laudantium Deum, et dicentium: Gloria in excelsis Deo, et in terra pax hominibus bonæ voluntatis, alleluja.

*Aña.* Párvulus Fílius hodiè natus est nobis, et vocábitur Deus, fortis, alleluja, alleluja.

PSALM,

PSALM. 148.  
LAUDATE Dominum de cœlis: \*  
laudate eum in excelsis.

Laudate eum omnes Angeli ejus: \* laudate eum omnes virtutes ejus.

Laudate eum sol, et luna: \* laudate eum omnes stellæ, et lumen.

Laudate eum cœli cœlorum: \* et aquæ omnes, quæ supèr cœlos sunt, laudent Nomen Domini.

Quia ipse dixit, et facta sunt: \* ipse mandavit, et creata sunt.

Statuit ea in æternum, et in sæculum sæculi: \* præceptum posuit, et non præteribit.

Laudate Dominum de terra: \* dracones, et omnes abissi.

Ignis, grando, nix, glacies, spiritus procellarum: \* quæ faciunt verbum ejus.

Mon-

Montes , et omnes colles : \*  
Ligna fructifera , et omnes cedri.

Béstiæ , et universa pécora : \*  
serpentes , et vólucres pennatæ.

Reges terræ , et omnes pópuli :  
\* príncipes , et omnes júdices terræ.

Juvenes , et vírgines , senes  
cum juniòribus laudent nomen  
Dómini : \* quia exaltatum est  
nomen ejus solius.

Confessio ejus super cœlum , et  
terram : \* et exaltavit cornu pópuli  
sui.

Hymnus ómnibus sanctis ejus :  
\* filii Israel , pópulo appropin-  
quanti sibi. *Hic non dicitur Gloria.*

**C**ANTATE DÓMINO cánticum no-  
vum : \* laus ejus in Ecclesia Sanc-  
torum.

Lætetur Israel in eo , qui fe-  
cit eum : \* et filii Sion exultent  
in rege suo.

Laudent nomen ejus in choro :  
\* in tympano , et psaltério psal-  
lant ei.

Quia beneplácitum est Dómino  
in pópulo suo : \* et exaltabit man-  
suetos in salutem.

Exultabunt sancti in glória : \*  
lætabuntur ín cubílibus suis.

Exaltationes Dei in gútture  
eorum : \* et gládii ancípites in  
mánibus eorum.

Ad faciendam vindictam in ná-  
tiónibus : \* increpationes in pó-  
pulis.

Ad alligandos reges eorum in  
compédibus : \* et nóbiles eorum  
in mánicis férreis.

Ut faciant in eis iudicium conscriptum: \* glória hæc est omnibus sanctis ejus.

*Hic non dicitur Gloria Patri, &c.*

**L**AUDATE Dóminum in sanctis ejus: \* laudate eum in firmamento virtutis ejus.

*PSALM. 150.*

Laudate eum in virtútibus ejus: \* laudate eum secundùm multitudinem magnitudinis ejus.

Laudate eum in sono tubæ: \* laudate eum in psalterio, et cíthara.

Laudate eum in tympano, et choro: \* laudate eum in choris, et órgano.

Laudate eum in cymbalis benesonántibus, laudate eum in cymbalis jubilationis: \* omnis spíritus laudet Dominum.

Glo-

Gloria Patri, &c.

*Añã.* Párvulus filius hódie natus est nobis: et vocábitur Deus, fortis; alleluja, alleluja.

*CAPITULUM. HEBR. 4.*

**M**ULTIFARIAM, multisque modis, olim Deus lóquens Pátribus in Prophetis, novíssimè diebus istis locutus est nobis in Filio, quem constituit hæredem universorum, per quem fecit et sæcula. *R.* Deo gratias.

*HYMNUS.*

**A** Solis ortus cárdine,  
Ad usque terræ límitem,  
Christum canamus Príncipem,  
Natum Maria Vírgine.  
Beatus Auctor sæculi,  
Servile corpus índuit;  
Ut carnè carnem liberans,  
Ne pérderet quos cóndidit.

Cas-

Castæ Parentis viscera,  
 Coelestis intrat grátia;  
 Venter puellæ bájulát  
 Secreta, quæ non noverat.  
 Domus pudici pectoris  
 Templum repentè fit Dei;  
 Intacta nesciens virum,  
 Concepit alvo Fílium.  
 Enítitur Puérpera,  
 Quem Gábriel prædixerat,  
 Quem ventre Matris géstiens,  
 Baptista clausum sènserat.  
 Fœno jacere pértulit;  
 Præsepe non abhorruit:  
 Et lacte módico pastus est,  
 Per quem nèc ales ésurit.  
 Gaudet chorus coelestium,  
 Et Angeli canunt Deo;  
 Palàmque fit Pastoribus  
 Pastor Creator ómnium.

JESU, tibi sit glóia,  
 Qui natus es de Vírgine,  
 Cum Patre, et almo Spiritu  
 In sempiterna sæcula Amén.  
 V. Notum fecit Dóminus, Alleluja.  
 R. Salutare suum. Alleluja.  
 Añã. Glória in excelsis Deo, et  
 in terra pax hominibus bonæ vo-  
 luntatis, alleluja, alleluja.  
 CANT. ZACARIE. LUC. 4. c.  
**B**ENEDICTUS Dóminus Deus Israel:  
 \* quià visitavit, et fecit redemp-  
 tionem plevis suæ.  
 Et erexit cornu salutis nobis:  
 \* in domo David pueri sui.  
 Sicut locutus est per os sanc-  
 torum: \* qui à sæculo sunt pro-  
 phetarum ejus.  
 Salutem ex inimicis nostris: \* et  
 de manu omnium, qui oderunt nos.

Ad faciendam misericórdiam  
cum pátribus nostris: \* et memo-  
rari testamenti sui sancti.

Jusjurandum, quod juravit ad  
Abraham patrem nostrum: \* da-  
turum se nobis.

Ut sine timore, de manu ini-  
micorum nostrorum liberati: \* ser-  
viamus illi.

In sanctitate, et justítia coràm  
ipso: \* ómnibus diebus nostris.

Et tu puer Propheta Altíssimi  
vocáberis: \* præibis enim ante fa-  
ciem Domini parare vias ejus.

Ad dandam sciéntiam salutis  
plebi ejus: \* in remissionem pec-  
catorum eorum.

Per víscera misericordiæ Dei  
nostri: \* in quibus visitavit nos  
óriens ex alto.

Illu-

Illuminare his qui in ténebris,  
et in umbra mortis sedent: \* ad  
dirigendos pedes nostros in viam  
paci. Gloria Patri, &c.

*Añã.* Gloria in excelsis Deo,  
et in terra pax hominibus bonæ  
voluntatis, alleluja, alleluja.

Ÿ. Dominus vobiscum.

℞. Et cum spíritu tuo.

*OREMUS.*

**C**ONCEDE, quæsumus omnipotens  
Deus, ut nos Unigéniti tui nova  
per carnem Nativitas liberet: quos  
sub peccati jugo vetusta sérvitus  
tenet. Per eundem Dominum nos-  
trum, &c. ℞. Amen.

Ÿ. Dóminus vobiscum.

℞. Et cum spíritu tuo.

Ÿ. Benedicamus Domino.

℞. Deo grátias.

Ÿ. Fi.

Ÿ. Fidelium animæ per misericordiam Dei requiescant in pace.

R. Amén.

Pater noster, &c. *totum secreto.*

Ÿ. Dominus det nobis suam pacem.

R. Et vitam æternam. Amén.

*ANTIPHONA.*

**A**LMA Redemptoris mater, quæ  
pervia cœli

Porta manes, et Stella maris, succurre cadenti,

Súrgerere, qui curat pópulo: tu  
quæ genuisti,

Natura mirante, tuum sanctum  
genitorem,

Virgo priùs, ac postériùs, Gabriëlis ab ore,

Sumens illud Ave, peccatorum miserere.

Ÿ. Post

Ÿ. Post partum Virgo inviolata permansisti.

R. Dei Génitrix intercede pro nobis.

*OREMUS.*

**D**EUS, qui salutis æternæ beatæ Mariæ virginitate fœcunda, humano géneri præmia præstitisti: tribue quæsumus, ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum Fílium tuum, &c.

R. Amén.

Ÿ. Divinum auxilium máneat sempèr nobiscum.

R. Amén.



AD



## GLORIA

IN EXCELSIS DEO.



CHRISTUS NATUS EST NOBIS,  
VENITE ADOREMUS.

## AD PRIMAM MISSAM

IN NOCTE.

*Statio ad S. Mariam majorem ad  
Præsepe.*

INTROITUS.

**D**OMINUS dixit ad me : Filius  
meus es tu , ego hodie genui te.  
*Psalm.* Quare fremuerunt Gentes  
et populi meditati sunt inania ?  
V. Gloria Patri , et Filio , et  
Spiritui Sancto : Sicut erat in prin-  
cipio , et nunc , et semper , et in  
sæcula sæculorum , Amen.

F

Do

Dominus dixit ad me : Filius meus es tu , ego hodie genui te.

**K**YRIE eleison. Kyrie eleison. Kyrie eleison. Christe eleison. Christe eleison. Christe eleison. Kyrie eleison. Kyrie eleison. Kyrie eleison.

**G**LORIA in excelsis Deo , et in terra pax hominibus bonæ voluntatis. Laudamus te. Benedicimus te. Adoramus te. Glorificamus te. Gratias agimus tibi propter magnam gloriam tuam. Domine Deus Rex cœlestis , Deus Pater omnipotens. Domine Fili unigenite Jesu Christe. Domine Deus , Agnus Dei , Filius Patris. Qui tollis peccata mundi , miserere nobis. Qui tollis peccata mundi , suscipe deprecationem nos-

tram

nostram. Qui sedes ad dexteram Patris , miserere nobis. Quoniam Tu solus Sanctus. Tu solus Dominus. Tu solus Altissimus , Jesu Christe : cum Sancto Spiritu in gloria Dei Patris , Amen.

Ÿ. Dominus vobiscum.

℞. Et cum spiritu tuo.

*O R E M U S.*

**D**EUS , qui hanc sacratissimam noctem veri luminis fecisti illustratione clarescere : da quæsumus , ut cujus lucis mysteria in terra cognovimus , ejus quoque gaudiis in cœlo perfruamur. Qui tecum vivit , et regnat in unitate Spiritus Sancti Deus , per omnia sæcula sæculorum. ℞. Amen.

F 2

LEC-

**C**HARISSIME : Apparuit gratia Dei Salvatoris nostri omnibus hominibus, erudiens nos, ut abnegantes impietatem, & sæcularia desideria, sobriè, et justè, et piè vivamus in hoc sæculo, expectantes beatam spem, et adventum gloriæ magni Dei, et Salvatoris nostri Jesu Christi : qui dedit semetipsum pro nobis, ut nos redimeret ab omni iniquitate, et mundaret sibi populum acceptabilem, sectatorem bonorum operum. Hæc loquere, et exhortare : in Christo Jesu Domino nostro. & Deo gratias.

## GRADUALE.

**T**ECUM principium in die virtutis tuæ : in splendoribus Sanctorum,

ex uterò ante luciferum genui te.

**V.** Dixit Dominus Domino meo :  
Sede à dextris meis, donec ponam inimicos tuos scabellum pedum tuorum. Alleluja, alleluja.

**V.** Dominus dixit ad me : Filius meus es tu, ego hodie genui te.  
Alleluja.

✠ **S**equentia Sancti Evangelii secundum Lucam.

**R.** Gloria tibi Domine.

**I**N illo tempore : Exiit edictum à Cæsare Augusto, ut describeretur universus orbis. Hæc descriptio prima facta est à Præsidente Syriæ Cyrino, et ibant omnes ut profiterentur singuli in suam civitatem. Ascendit autem et Joseph à Galilæa de Civitate Nazareth, in Judæam

dæam in civitatem David , quæ vocatur Bethlehem, eo quòd esset de domo , et familia David , ut profiteretur cum Maria desponsata sibi uxore prægnante. Factum est autem , cum essent ibi , impleti sunt dies ut pareret. Et peperit Filium suum primogenitum , et panis eum involvit , et reclinavit eum in præsepio : quia non erat eis locus in diversorio. Et pastores erant in regione eadem vigilantes , et custodientes vigilias noctis super gregem suum. Et ecce Angelus Domini stetit juxta illos , et claritas Dei circumfulsit illos , et timuerunt timore magno. Et dixit illis Angelus: Nolite timere: Ecce enim evangelizo vobis gaudium magnum , quod erit omni po-

pulo: quia natus est vobis hodiè Salvator , qui est Christus Dominus, in civitate David. Et hoc vobis signum : Invenietis infantem panis involutum , et positum in præsepio. Et subito facta est cum Angelo multitudo militiæ cœlestis , laudantium Deum et dicentium : Gloria in altissimis Deo , et in terra pax hominibus bonæ voluntatis,  
 R, Laus tibi Christe.

**C**REDO in unum Deum , Patrem omnipotentem , factorem cœli , et terræ , visibilium omnium et invisibilium. Et in unum Dominum Jesum Christum , Filium Dei unigenitum. Et ex Patre natum ante omnia sæcula. Deum de Deo , lumen de lumine , Deum verum de

Deo vero. Genitum, non factum  
 consubstantiali Patri: per quem  
 omnia facta sunt. Qui propter nos  
 homines, et propter nostram sa-  
 lutem descendit de cœlis. (*Hic ge-  
 nuflectitur.*) ET INCARNATUS EST DE  
 SPIRITU SANCTO EX MARIA VIRGINE:  
 ET HOMO FACTUS EST. CRUCIFIXUS  
 etiã pro nobis, sub Pontio Pi-  
 lato passus, et sepultus est. Et re-  
 surrexit tertia die secundum Scrip-  
 turas. Et ascendit in cœlum: se-  
 det ad dexteram Patris. Et iterum  
 venturus est cum gloria judicare  
 vivos, et mortuos, cujus regni  
 non erit finis. Et in Spiritum Sanc-  
 tum Dominum, et vivificantem:  
 qui ex patre Filioque procedit. Qui  
 cum Patre, et Filio simul adora-  
 tur, et conglorificatur: qui locu-

tus

tus est per Prophetas. Et unam  
 Sanctam Catholicam, et Apostoli-  
 cam Ecclesiam. Confiteor unum  
 baptisma in remissionem peccato-  
 rum. Et expecto resurrectionem  
 mortuorum. Et vitam venturi sæ-  
 culi, Amen.

Ÿ. Dominus vobiscum.

℞. Et cum spiritu tuo.

*OREMUS.*

*Offertorium.* Lætentur cœli, et  
 exultet terra ante faciem Domini:  
 quoniam venit.

*SECRETA.*

**A**CCEPTA tibi sit, Domine quæ-  
 sumus, hodiernæ festivitatis obla-  
 tio, ut tua gratia largiente, per  
 hæc sacrosanta commercia, in il-  
 lius inveniamur forma, in quo te-  
 cum est nostra substantia. Qui te-

G

cum

cum vivit, et regnat, in unitate  
Spiritus sancti Deus.

*PREFATIO.*

Ÿ. **P**ER omnia sæcula sæculorū.

R. Amen.

Ÿ. Dominus vobiscum.

R. Et cum spiritu tuo.

Ÿ. Sursum corda.

R. Habemus ad Dominum.

Ÿ. Gratias agamus Domino Deo  
nostro

R. Dignum, et justum est.

Verè dignum, et justum, est,  
æquum, et salutare, nos tibi sem-  
per, et ubique gratias agere, Do-  
mine Sancte, Pater omnipotens,  
æternæ Deus. Quia per incarnati  
Verbi mysterium, nova mentis nos-  
træ oculis lux tuæ claritatis inful-  
sit: ut dum visibiliter Deum cog-

noscimus, per hunc in invisibilium  
amorem rapiamur. Et ideò cum  
Angelis, et Archangelis, cum  
Thronis, et Dominationibus cum-  
que omni militia cœlestis exercitus,  
hymnum gloriæ tuæ canimus sine  
fine dicentes.

Sanctus, Sanctus, Sanctus, Do-  
mine Deus Sabaoth.

Pleni sunt cœli, et terra glo-  
ria tua.

Hosanna in excelsis.

Benedictus, qui venit in nomi-  
ne Domini. Hosanna in excelsis.

*COMMUNIO.*

**I**N splendoribus sanctorum, ex  
utero ante luciferum genui te.

Ÿ. Dominus vobiscum.

R. Et cum spiritu tuo.

## POSTCOMMUNIO.

**D**A nobis, quæsumus Domine  
 Deus noster: ut qui nativitatem  
 Domini nostri Jesu Christi mys-  
 teriis nos frequentare gaudemus,  
 dignis conversationibus ad ejus me-  
 reamur pervenire consortium. Qui  
 tecum vivit, et regnat in unitate  
 ejusdem Spiritus sancti Deus. Per  
 omnia sæcula sæculorum.

R. Amen.

V. Dominus vobiscum.

R. Et cum spiritu tuo.

V. Ite Missa est.

R. Deo gratias.

*Lavo Deo.*